

“Siú-hō Tâi-ôan” Chôan-kì-liók

Iâu Chì-liông

“ Lí chêng Chóng-thóng Teng-hui” hoat-khí lèk-sú-sèng ê oáh-tāng òng-bāng ū chhiau-kòe 100-bān lāng “chhiú-khan-chhiú siú-hō Tâi-ôan,” góa tī bāng-lō khòaⁿ-tiòh “sò-ūi tián-chông lèk-sú 數位典藏歷史” teh tin-kiū hip-siōng gī-kang ê sī, góa kóaⁿ-kín tī bāng-lō lâi ôan-sêng pò-miâ. Che sī lán 400-nī lâi thâu chit-pái ê tōa tãi-chì, chôn-thé ū kiōng-tông lí-liām ê peh-siⁿ chò-hóe beh lâu--lòh chin súi ê lèk-sú kì-sū, góa tong-jiân ài chham-ka koh ài siūⁿ pān-hoat m̄-sī tī hia khiā nā-tiāⁿ, in-ūi kan-ta tī hia khiā siuⁿ-kòe-thâu bô-chhái.

2-gòeh 28-jit sī pài-làk thiⁿ-khi chin hó. Iáu-bōe 9-tiám góa tō kóaⁿ-kín khui-chhia khi Lâm-á-kheⁿ tōaⁿ góa só hun-phòe tiòh Tâi-thêng lō-tōaⁿ lóng-chóng ū n̄ng kong-lí ê chek-jīm-khu. “Tâi-it-sòⁿ” séng-kong-lō í-keng ū chin chē lāng pí góa khah chá, tī ták-ê tiám teh chéng-lí tiūⁿ-pāng chún-pī sè-ki kap tōa-ki ê kī-á, chún-pī kún-chúi kap í-thâu-á, thê-kiong pit-iàu ê i-liâu khi-chhái... Khòaⁿ-tiòh tãi-ke lóng chò kah chiok hoaⁿ-hí. Siāng tiōng-iàu..ê lóng-sī chū-tōng chū-hoat lâi chham-ka. Gôan-pún góa sī beh seng liáu-kái hiān-tiūⁿ tō hó, khòaⁿ tiòh án-ne góa má-siōng kái-piàn sim-ì lâu tī hiān-tiūⁿ tàu chò kang-khòe, tông-sī koh hiòng-chêng cháu kàu Kong-san iân-lō ták só-chāi lóng í-keng chin chē lāng tī lō-piⁿ, tī chhiū-á-kha teh thèng-hāu 2 tiám 28 hun ê oáh-tāng, tãi-ke lóng chhiò-bi-bi. Hit-sī góa khòaⁿ chit-ē-á chhiú-piò--leh! Chiah 10 tiám gōa nā-tiāⁿ.

Sī-kan lú pek-kīn chiáh tiòng-tàu āu tō jīn-san jīn-hái, ná chhin-chhiūⁿ teh pān tōa hí-iàn, mā ná teh chò-chiò--leh. Lō-piⁿ bô khiā-ke bô kong-ú, sī tui tó-ūi piàn hiah

chē lāng chhut--lâi? Jīn-bīn ê khui-lát tī chit-sī hián-hiān, lóng-sī phoh-sit kó-ì koh khó-ài ê hiong-chhin lâi chham-ú..ê! Chin-chiàⁿ ū kàu chē lāng, ū chē lūn-í ê hiong-chhin, ū chôn-ke tōa-tōa sè-sè lóng chhut-tōng..ê, ū chit-tui chit-tui ê siàu-liân-ke, liân thióng-bút (káu-á, niau-á) mā chhōa-chhōa chhut lâi tàu nāu-jiát, Kohiōng koh-ū chū-iōng ê khi-chhia kái-chong chò hoe-chhia lóng-chóng 10 gōa tãi. Tī jit-thâu tiòng-ng bô lāng hiām jóah, iân-lō ê kang-chhiúⁿ ū thâu-ke bián-hui thê-kiong liàng-chúi kap chúi-kó, ū lāng chhut-lâi tainiá chhiūⁿ koa, ū lāng tōa-siaⁿ hoah! Tâi-ôan ka-iū! Tâi-ôan bān-sòe!

2 tiám 10 hun ê sī kī-hái iāⁿ bô thêng, lāng chē kah í-keng m̄-chai beh pài kúi pài? Góa hip-siōng hip kah chin kám-tōng, hut-jiân kám-kak lán ê hiong-chhin lâm..ê lóng chin ian-tâu, lú..ê lóng chin iau-kiau bí-lē, sui-jiân lai-saⁿ lâu koaⁿ lâu kah tâm-kô-kô, it-chhè ê hù-chhut lóng chin ū ì-gī! Khiā-tī lō-piⁿ chún-pī beh khan-chhiú siú-hō Tâi-ôan ê hiong-chhin sī chē kah piàn kui-chhop kui-chhop khiā chò-hóe, ū-ê só-chāi sī chhiau-kòe 6-7 pài, nā chiàu thóng-kè-hák ê kè-sng hong-hoat lâi thóng-kè, choan-ka tī lō-bóe ū hoat-piáu eng-kai sī chhiau-kòe 250 bān lāng í-siōng lâi chham-ú chit-pái ê oáh-tāng. Khong-tiong put-sī ū sió hui-ki poe-lái poe-khi, lō--nih ê kà-sú mā ká thang-á-m̄ng iō--lòh--lâi tãi-ke hō-siōng say Hello! Kòe-khi tiām-tiām bô ì-kiàn ê hiong-chhin tī chit-jit lóng chiong in sim-lái ê jiát-chêng piáu-hiān tī chôn-sè-kai ê bīn-chêng (mũi-thé ū chhiau-kòe 150 ê tan-ūi, lâi chhái-hóng,) Kūn-chiòng lai ū Hō-ló-lāng, ū gōa-séng ê tông-pau, ū Kheh-ka ê hiong-chhin, ū Gôan-chū-bīn. Tī 2004/02/28 lán ê chók-kūn tōa-thôn-kiat tãi-ke lóng-sī hó chhū-piⁿ, lóng-sī chin-chiàⁿ thiàⁿ-sioh lán ê hiong-thó ê hó kok-

bîn. Chin êng-hēng góa ũ kiàn-chèng tiòh
chit-tōaⁿ chin ũ ì-gī ê lèk-sú. Lán chiong
kòe-khì 228 ê pi-chêng piàn-chòe t̄ai-ke
chò-hóe “siú-hō Tâi-ôan”. Sui-jiân sī khiā t
ī lō-piⁿ chēng-chēng khan-chhiú nā-tiāⁿ,
chóng-sī chōan-sè-kè ê lāng lóng teh kim-
kim-khò^a Tâi-ôan-lāng chin chiàⁿ tát-tit
lāng chun-kèng! Chán!

Góa tī chit-pang ê oáh-tāng tiong hip
150 gōa tiuⁿ ê siòng-phìⁿ chōan-pō thōan
khì sò-ūi ê bāng-chām, tī hit-ê tông-sī ũ
1500 gī-kang chham-ú hip-siōng ê kang-
chok, bók-chêng í-keng chéng-lí hó-sè iā
khai-hòng bāng-chām hō t̄ai-ke lóng ē-tit-
thang tī bāng-chām lāi khò^a-tiòh lán chò-
hóe siá ê lèk-sú.

Bāng-chām ê ũi-chí: [www@cotaiwan.info](http://www.cotaiwan.info)
